

玉錄資度解壇儀

法事如式

各禮師存念如法

請宣神呪

五靈列位 煥鎮五方 始皇護魂 丹老衛形
皓靈侍魄 黑帝攝生 中央黃帝 統御萬真
元皇誥下 幽夜開光 罪消北府 名列南昌
金籙定籍 玉宇除殃 朱陵鍊質 飛神太倉
三官九府 無極神鄉 普受開度 上生天堂
和與道合真

鳴法鼓二十四通

無上三天玄元始三炁太上道君太上老君
名出臣身中三五功曹左右官使者左右捧
香驛龍騎吏侍香童傳言散花玉女五帝
直符直日香官各三十六人出出者裝裝顯
服冠帶垂纓關啓玄壇土地方域神真臣今
解壇言功焚香禮懺謹奏為入憲其諸齋悃
已錄告聞願得
太上至真道天靈寶慈光下降流入臣等身
中令臣所啓之誠速達徑御

至真無極大道三清上聖昊天金闕玉皇上帝東極慈尊青玄上帝道前

請稱法位

具位臣姓某某等今故燒香皈身皈神皈命
太上十方救苦無上慈尊臣聞三錄垂科五
篇著範茂弘道旨不闕玄風法天像地而肇
建壇儀呼陰召陽而鎮安雲篆千真降駕為
聖臨軒齋盟上格於霄霄真馭下臨於法席
用資其靈昇真天府證品仙階今則啓願告
成朝修事竟解壇撤席首過言功拜其洪恩
尊安宗社金龍起篆慶圓滿於黜功玉緯統
光降洪庀於景福所啓玄感上撤徑御
至真無極道前

知聲舉起敬贊

十方號

禮足各長跪虔誠懺悔

臣法眾等志心皈身皈神皈命
十方救苦無上慈尊恭望洪慈洞垂巨澤普
降洪恩以今解壇撤席焚香禮懺臣聞三天
播澤靈光舒化育之仁九地承恩祖炁運遷

神之德荷宸恩之鑒映幸齋法之周圓肅啟
丹忱仰干洪造重念臣等精神混俗容止生
塵玉律昭回凜三元之校錄金科錯落嚴四
極之條章寶冀隆實恪垂涵育陶靈光於九
軌普暢玄宗流法雨於三途願隆聖造臣等

志心稽首禮謝

無上至真三寶

三啓

三禮

重稱法位

具位臣姓某某與臨壇法眾等謹同誠上啓
青玄祖炁虛無自然元始天尊太上道君太
上老君昊天玉皇上帝紫微天皇大帝紫微
北極大帝后土皇地祇東極青玄老君運明
保元上帝太乙救苦天尊九幽拔罪天尊十
方分身應化救苦天尊大慈大悲救苦真人
大惠真人往生真人香林會中法解真人十
華真人普救真人三十六部尊經玄中大法
師三天大法師三界應感醮筵降格一切威
靈臣等野馬微生醜雜陋質荷九宸之錫慶

際三洞之開光身館金符名聯玉籍煙霞滿
景盡抗志於清虛日月同流乃棲身於埃壘
百非未濟萬業猶縶惟受道之丹忱常勵
俯時之素誓庶俾化育不負生成既奉詞文
敢忘關奏臣自今月某日為始欽奉

綸旨崇修玉錄資度大齋晝夜騰詞達悃
降真名靈揚十絕之華燦然九危之法炬解
消結滯落滅冤愆愆度容儀越并陽境蒸沈
靈奏荷三境以流輝芝檢風馳開九幽而御
赤銘心固極刺骨尖彈以令釐事慶成齋功
告備天人同慶幽顯相歡羽葆翩翻將返瓊
與之仗虎旌幢為行收禁路之瑤畫停格以
奏功為關盟而還實恩惟

玄宮至聖皇極至尊俯覽懇祈曲垂垂鑒其
有建齋之日上請三洞官屬九天真靈監齋
衛真侍經護道虛空監察土地神祇管衛齋
功具嚴勞績即玄壇而相表希洪造以酬恩
臣等存念不周俯仰未備有五帝四司之校
錄慮千愆萬過之充周等其陰惡普蒙矜宥
臣誠惶誠恐稽首頓首謹啟以聞

宣言功表

熏表

焚燎

宣關

宣回將牒

遣官如法

謹遣臣等身中五體真官官一小吏十二書
佐重教功曹使者飛龍驛吏嚴裝顯服冠帶
垂纓磨現點筆赫劄理錄為臣及時操持表
文上詣三天曹治隨事奏對若有謬誤文字
脫落言辭倒錯不相次比者請傳言書佐習
事小吏操龍頭書刀環連利筆隨誤正定毋
令上官典者有所遺卻徑達
三天無極大道太上御前慎勿稽停左史歷
關右史歷歷以吹分別當令臣所請者下所
名者到所濟者度所宣者通所遷者達所願
者應所求者得若有下官故悉過截啞表文
不使上達者收付所在近獄律治罪以明
天憲臣等伏案前伏待報應

納官如法

臣通誠事竟及建齋之始所出身中功曹使
者一切真官仙若吏兵並遣臣身中從東妙
門而入在左還左在右還右直日功曹上領
檢押還復本位毋令差互須名又到一如故
事

還功報德天尊

焚燒一巾

師立東西

眾立西面東皆跪

講舉長跪還戒如法

臣等學法未備俯仰失格進止犯科不合儀
式恐為四司所糾五帝所執千愆萬過乞垂
赦宥哀原未悟不見罪罰臣等建齋之初奉
請智慧上品十戒嚴齋禁戒以檢身心法事
既竟謁還天宮謹上啟以聞伏希照宥有臣等
誠惶誠恐稽首頓首再拜謹言

舉還戒頌歸位一拜

宣三簡

投簡畢

知聲舉五龍起鎮天尊

起鎮

發願

存神燒香

香官使者左右龍虎君侍香諸靈官當本臣
向來解壇散席之所自然生金液丹碧芝英
百靈眾真交會在此香火鐘前當願善功普
博齋福周隆十方仙童玉女接侍蘭煙傳臣
向來所啓之誠速達徑御
至真無極大道三清上聖昊天金闕玉皇
上帝東極慈尊青玄上帝道前

解壇頌

下壇辭三寶

時光迅速日影漸移香散玉華道還金闕
皇圖地久

聖壽天長 稽首拜辭

十方道寶

金童進善玉女奏功名掛金牌經藏寶籙神
靈升度家國蒙恩聖入虛無功沾幽顯 稽
首拜辭

十方經寶

瓊鐘息舉壁磬收聲師退太清名標紫府三
途罷對五苦停輪 稽首拜辭

十方師寶

願諸眾生諸惡莫作眾善奉行不墮劫緣常
居盛世有情含識同證無為 稽首拜辭

十方眾聖

玉籙資度解壇儀

正一天師清微弟子 洪百堅 製作

道教學術資訊網站

玉籙資度設醮儀

法事如式

各禮師存念如法

請宣神呪

五靈列位 煥明五方 始皇護魂 丹老衛形
皓靈侍魄 黑帝攝生 中央黃帝 統御萬真
元皇告下 幽夜開光 罪消北府 名列南昌
金籙定籍 玉宇除殃 朱陵鍊寶 飛神太倉
三官九府 無極神鄉 普受開度 上生天堂
和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啟玄壇土地方域神真臣今
設醮朝修謹奏為入書其諸齋個具載青詞
願得
太上至真道炁靈寶慈光下降流入臣等身
中令臣所啓之誠速達徑御

十五